

江都縣志卷之五

試江南揚州府江都縣知縣臣陸朝璣奉

旨編輯

建置志

城池

江都為揚州附郭縣今城即漢吳王濞城舊基景帝四年徙汝南王非王江都治故吳國顏師古曰治謂都之劉濞所居也水

經注云吳城即吳王濞所築蓋古廣陵城在蜀岡上邗

溝城東北濞乃更築於蜀岡下也江都立國後武帝更

廣陵國東漢更廣陵郡江都皆以縣隸之水經注又云

江都縣志

卷五 建置志

一

廣陵郡之江都縣縣城臨江寰宇記云城在州城西四

十六里後為江水所浸無復餘址疑此城為改郡國時

移建於江濱者隋志謂江都自梁以後或廢或置想未

史築城也隋改廣陵為江都郡而縣亦附之舊唐書志

江陽縣云貞觀十八年分江都縣置在郭下與江都分

理輯要謂江都於隋唐時附郭本此舊志謂江都至宋熙寧始附郭非是

又謂今城非吳王濞故城按紀勝去董仲舒宅即古江都縣基則今城之為遺址可驗陸弼志

云今城即宋之大城又云宋揚州大城即古廣陵舊城

周顯德六年世宗以揚州城為吳人所毀詔發丁壯別

築新城命韓令坤為修城都部署此即舊志所謂小城

者宋高宗南渡詔呂頤浩繕修揚州城池孝宗乾道三年五月修揚州城舊志載宋大城周圍二千二百八十

丈蓋此時所增修也

城邑考云郭棣知揚州以故城憑高臨下四面險固初李重進始

夸之而改卜今勢卑濶敵易襲請即遺址建築與舊壙南北對峙中夾甬道緩急足以轉餉是即志所稱大

城也據此則是宋初即遷改韓令坤小城而復築今城矣觀宋末李全諸傳數言揚州三城而嘉靖惟揚志復

有宋三城圖更瞭然可據

光宗紹熙三年七月修揚州城元世修築

無考明興以元至正十二年令僉院張德林鎮揚州以

舊宋城虛曠因改築城西南一隅守之周九里計七百

五十七丈五尺厚一丈五尺高倍之設門五南曰安江

北曰鎮淮西曰通泗東曰寧海

又曰大東又曰先春

東南曰小東

江都縣志

卷五

建置志

二

各有月城樓櫓敵臺警鋪雉堞南北水門二引官河貫

其中曰市河新城創於嘉靖丙辰起舊城東南角樓至

東北角樓周十里計一千五百四十一丈九尺高厚與

舊城等城樓五門七南曰挹江

今曰鈔關

又左為便門

今曰徐寧

東南曰通濟

今曰缺口

東曰利津

今曰東關

東北又為便門

今曰便益

北亦曰鎮淮後改廣儲西北曰拱辰

今曰天寧

時以倭寇用

副使何城舉人楊守誠議而都御史陳儒御史吳百朋

崔棟用知府吳桂芳石茂華先後成之萬曆二十年知

府吳秀浚北濠為石堤增城堞三尺二十五年知府郭

光復甃石濠先未竟者四百餘丈增敵臺十六崇徵十

一年鹽法太監楊顯名累土爲外城工未及成又委守  
備樊明英增修鈔關越城

國朝順治四年知縣郭知遜重修十八年知縣熊明遂再  
修城墻臺鋪雍正四年知縣王元穉修廣儲門城樓七  
年知縣陸朝璣修鎮淮門城樓

附錄

明何城揚州府新築外城記曰揚州外城成

爲固甚盛舉也先是倭寇弗靖騷動東南郡守吳  
公自湖用不敏議謂揚介兩都之間四方舟車商  
賈之所萃生齒聚繁數倍於昔又運司餘鹽銀獨  
當天賦稅之半而商人實居舊城之外無藩籬  
之限非捍衛計也置外城便時舉人楊守誠力贊  
其說遂請於撫院芹山陳公按院堯山吳公鹽院  
春洲崔公並下自湖計凡城丈合工與財當費銀  
二十九兩有奇通計銀四萬六千一百五十七兩

江都縣志

卷五

建置志

三

括府藏止一萬六千兩有奇春洲公許借商鹽銀  
三萬兩足其費議始定芹山諸公並奏下工部覆  
奏詔悉如請是爲乙卯之初議城因於河而瀕河之  
廟堂議以毅菴有所占胥動召外城之商民而論  
地積爲民居之所胥動召外城之商民而論  
以奪民業難其事公始至即召外城之商民而論  
之曰瀕河之地稽往牒則官地也是豈汝衆咸應  
廬舍者耶今爲城當悉歸於官永建乃家衆咸應  
曰諾於是瀕河之城廬舍一舉而皆徹基遂定又  
商民而諭之曰城之廬舍一舉而皆徹基遂定又  
不借於民耶勞之所以衛汝也衆復應曰諾乃括  
商民之堪事者百八十人俾任其役分地授工  
多寡惟稱其力先後緩急各臻於理商民亦各視  
工授之多寡以領財於公召工市斃而良工堅  
斃各自四方至遠或四五里甫就工四月五月  
遭倭寇亂民並求生不遑事六月寇始退外城  
蕭條百八十家多遭焚劫者公又拊循而佐冀  
之於是商民奮庸無不奔走而就事以爲羞逮  
十月而工成起舊城東南隅而東北而西及舊  
城之東北隅止約一十里爲一千五百四十文

九尺中建有門者五便門者一樓稱是為水門者  
 二敵臺十有二是役也經始於丙辰之二月至十  
 月而迄工纔九閱月中經倭寇之變者三月計實  
 止六月耳且令不煩民弗擾百姓見城郭之完不  
 知財之所自出見徒役之蟻集不聞徵調之自於  
 何所也濟大事者古及今有如此之神速而鎮靜  
 者耶蓋公本以濟世之才達經權之理剛不吐柔  
 不茹勞於求人而逸於治事得百八十人則人各  
 事其事何往而非公之事公特稽其勤情而已此  
 古聖無為之道也丁巳夏倭復犯揚州遙望外城  
 巍然岸高池深遂不敢近城下相率而來者無不  
 得所寇退各反其業今民居鱗次在前歲為灰燼  
 者悉煥然為棟宇人物熙熙商賈猶復聚於市少  
 者扶老贏壯者任戴負與夫美衣衍食之人猶復  
 溢於途風晨月夕歌鼓管籥之聲猶復盈於耳絃  
 歌誦習在鄉塾者無處不然與未遭寇亂時無異  
 而余歲時復得從鄉社諸老席於寘筵之末聽鄉  
 樂之餘飲復酬之酒夜則頽然就寢無復移家之  
 慮顧無城安有此樂耶夫樂其樂而利其利不知  
 其功者匪情也揚卿大夫咸相與議伐石屬余

江都縣志

卷五

建置志

四

撰記以詔揚後之人使凡安於閭里得以樂生而  
 送死者皆知我毅菴公之澤不可泯公諱茂華字  
 君采號即毅菴山東益都縣人嘉靖甲辰科進士  
 守揚善政種種當紀此特就築城一事言之天若  
 將毅菴公之命以宣布於下則有揚州衛經張  
 時見江都縣主簿楊長春泰興縣主簿董邦教高  
 郵衛知事王登皆與有  
 勞焉故併紀其姓氏

瓜州城在縣南四十五里江濱先為揚子江沙磧自唐  
 開元後漸為南北襟喉之處及唐末漸有城壘宋乾道  
 四年始築城後廢明嘉靖間備倭復築今城城東西跨  
 壩周一千五百四十三丈九尺高二丈一尺厚半之城  
 門四便門一警舖雉堞敵臺備具水門水竇各三萬曆  
 辛巳同知邱如嵩於城南女墻砌樓五楹曰大觀樓

公署

縣署在舊城內儒林坊

考證按寶祐志云舊在州城慶年坊建炎後徙桂

枝坊元徙北關外明洪武七年徙治於此知縣盛

惟中建

國朝仍舊歷任知縣屢加修葺

中為正堂堂之後屬以軒軒竟為後堂堂北為知縣署

東為縣丞廨

今移城隍廟東

西為主簿廨

今在東

又西為典史廨

正堂之左為幕廳西為庫兩翼為司房吏舍在其後前為甬道為戒石亭又前為儀門門東為土地祠又東為

江都縣志

卷五

建置志

五

寢悟堂

即迎賓館

西為司獄又前為大門

設官知縣一人縣丞一人主簿一人典史一人司吏六人典史十有六人

聖諭亭在縣治東

學署具學校志

清軍廳萬曆縣志云縣丞清軍之所萬曆二十六年知

縣張寧重建

陰陽學

醫學俱廢

僧會司

道會司俱廢

邵伯鎮巡檢司署在本鎮

瓜洲鎮巡檢司署在本鎮

萬壽鎮巡檢司署在張網溝

上官橋鎮巡檢司署在陳家集

歸仁鎮巡檢司舊在城東今裁

廣陵驛在南門外忠烈坊

邵伯驛在縣北四十五里本鎮官河東岸

邵伯河泊所久廢

預備倉六一在西門內一在邵伯鎮一在宜陵鎮一在

楊子橋鎮一在大橋鎮一在豐樂鄉俱廢

廣儲倉在廣儲門內西街計十三廩

江都縣志

卷五 建置志

六

保揚倉在南門內大街計十廩

鹽義倉二一在東關大街一在廣儲門外雍正五年奉

旨特建詳鹽法志

牧馬監在大東門外久廢

揚州府署在縣治南通泗橋西北詳具府志

清軍廳

管河廳

督糧廳

僧綱司

道紀司

申明亭

惠民藥局

義倉

軍儲倉

廣恤所

稅課司今裁

盤詰廳

鐵盤廠以上俱屬府具府志

府學署具府志

督撫都察院在府治西南久廢

中察院一在府治西一在府治東

鹽法察院在縣治東北

海防道公署在縣治東南久廢

戶部公署卽鈔關在新城挹江門內

裏公館一名裏館驛在府治西久廢

維揚公館嘉靖惟揚志云在府城右北廂迺北使往來聚食之所前立四亭臨漕渠以便登陟

兩淮都轉運鹽司在大東門外

揚州營遊擊署在教場西 演武廳在署左

揚州營中軍守備署在教場東

江都縣志

卷五

建置志

七

揚州衛守備署在南門內

鹽政廳在三江營

揚州衛指揮使司左右前後中千戶所在府治西南今廢

江防廳在瓜洲鎮

漕運府在瓜洲鎮分府右後改漕儲道

白塔河巡檢司今改屬鹽運司

磚廠公館在瓜洲鎮今圯

大儀公館在本鎮

甘泉新署在甘泉鎮舊有公署爲南北上司憩息

歲久就圯明萬曆二十四年知縣張寧買民地一區重

建

附

養濟院在北門外大街明洪武十三年知縣丁師尹建

天順七年督理漕運王公度重修

附錄

明劉翊揚州府重修養濟院記曰皇上踐祚之初百政一新軫念窮困之心尤懇懇然故

明詔之下首及之且令所司無俾乞食于市大哉  
聖心即古文王懷保小民惠鮮鰥寡之心也臣某  
因憶去歲侍讀春宮至書之無逸篇言文王於小  
民則懷保之於鰥寡則惠鮮之遂及時事數條天  
顏豫悅雖不形諸言實深契于臣心某於斯有  
以知皇上真大有為之君可以登三邁五而漢唐  
宋英君誼辟不足較也斯人之福何啻萬萬肆其  
初正卻貢獻財賦罷諸道鎮守官無非為民而

江都縣志

卷五

建置志

八

以窮民尤民之微者故特加之意焉皇上愛民之  
仁若此其任事者有視為侃侃焉特立不阿不待啓之  
義自許以蒼生為念侃侃以著陝右王君公度一  
而仁以行不俟激之而仁以著陝右王君公度一  
人而己君昔為給事以誅奸臣超擢都臺督理  
漕運大得江淮之心及其既去人心若失慈母以  
今起人得江之慈母君何以此於人哉亦惟以  
仁而己矣天順所舍君巡至揚首以養濟院詢於  
有司仍躬造其舍未幾久寢用圯狹隘弗  
可容衆君設法修復不勞於民輦石陶甃鳩材三  
工木斲而加雕牆不於民輦石陶甃鳩材三  
間今悉撤其舊而新之凡增若楹廣儲布帛粟  
米實其中郡之鰥寡孤獨疲殘疾不能自全者  
皆兼收而並納之復於大門外書院三字於  
坊以示來者告成之日歡聲四徹太守武邑王勤  
之無復餓殍君之功可謂大矣太康道於  
恐君之功不傳諸君之訓導孫敏以公守京寓書  
具始末屬識其事夫古之聖君賢相以天下為心  
則必均平天識以事為愛皇能體文王發政施仁



之心君能體皇上愛民之心且斯舉也舉於明詔  
下之前可謂不待啓之激之而仁政自行者  
噫安得今內而任事公卿外而郡邑小臣皆以  
民爲心如君者耶此又某區區無窮之望已其院  
興工於天順七年五月二  
日訖工於九月十八日

**育嬰堂**在小東門外城濠側順治十二年邑人蔡璉創  
始紳商李宗孔閔世璋等倡捐歲需銀兩不敷康熙五  
十年運使李陳常集商人公議每年捐銀一千二百兩  
雍正元年  
欽差大人清理兩淮鹽規將此項開冊進呈  
御覽永遠存留以育遺嬰著爲令

**普濟堂**雍正二年奉

江都縣志

卷五

建置志

九

上諭行文各省督撫轉飭有司勸募好善之人於通都大邑  
集之地照 京師例各建普濟堂以收養老病  
無依之人五年僧見省募建此堂於瓜洲鎮閘口邑之  
官紳士民每年捐貲以助堂內藥餌飲食之費養老恤  
貧於以推廣

皇仁利澤溥矣

庠生耿兆組捐田  
百畝以助費用

論曰掌一縣之教治政令月吉屬民而讀邦灋則  
有出治之所環衛則有城隍錢穀貯納則有庫藏  
倉廩水陸往來則有驛亭候館星碁羅布經  
然矧江都爲附郭縣府治蒞焉更有鹽法關稅河

漕軍政節鉞之所按臨旌麾之所駐劄公署行臺  
不一其處則一邑規制實宏且大而修廢舉墜之  
功亦非偏僻小邑因陋就簡者可同日語也

江都縣志卷之五終

江都縣志

卷五

建置志

十